



UNIVERSITÄTS-  
BIBLIOTHEK  
PADERBORN

**Assertiones Philosophicæ Fusius Deductæ Philosophiæ  
Peripateticæ communioris Epitomen exhibentes**

**Leuren, Peter**

**Coloniae Agrippinae, 1681**

[v].

---

[urn:nbn:de:hbz:466:1-71607](https://nbn-resolving.de/urn:nbn:de:hbz:466:1-71607)

intrinsecam aliquam haberet totalitatem, secundum quam aliquando erunt aut esse possint omnes anni futuri evoluti; est enim totalitas hæc chimærica, adeoque hi anni futuri nec inter se, nec cum horis futuris comparari possunt secundum æqualitatem vel inæqualitatem.

V. Neque eadem absurdâ, quæ ex infinito categorematico, existente à parte rei manarent, manant ex infinito v. g. creaturis possibilibus existentibus objectivè in mente Dei; Etsi enim Deus possibilia, non per plures & plures cognitiones, sed actu, simul unicæque cognitione attingat omnia, actualitas tamen, simultas & totalitas hæc non tenet se ex parte objectorum seu creaturarum producibilium, quasi hæc sub una collectione cognoscerentur, multòque minus quasi sub una collectione cognoscerentur producibles; sed ex parte cognitionis divinæ: sub qualicet ita sint omnia, ut nullum possibile ipsi supersit cognoscendum, sive ut nullum maneat in potentia in ordine ad hanc cognitionem, nullumque sit, quod Deus distinctè non cognoscat, non sunt tamen ideo omnia collectivè, sive per modum unius determinatæ

natæ collectionis sub cognitione Dei; sicut  
nec taliter sunt sub cognitione nostra, dum  
dicendo: *omne possibile: cognoscimus om-  
nia, quæ Deus cognoscit, et si obscure.* Ne-  
quæ enim sequitur: quando nemo est in-  
ter omnes, quem non cognosco, tum cog-  
nosco, vel cognoscere possum omnes collec-  
tivè; nisi quando talis collectio est possi-  
bilis, qualis non est ista possibilium collec-  
tio. Nequæ æquipollentes sunt proposi-  
tiones hæ: *nullum est possibile, quod Deus  
non cognoscit: & omnia possibilia cognoscit  
Deus: si tò omnia accipiatur in sensu collec-  
tivo;* erit enim posterior de subjecto non  
supponente. Unde nec contradictoria sunt  
hæ: *omnia possibilia cognoscuntur à Deo: ali-  
qua possibilia non cognoscuntur à Deo: cùm  
prior similiter accepta in dicto sensu, sit de  
subjecto non supponente, quæ ut poste-  
riori sit contradictoria, sic debet expri-  
mi: Omnia possibilia cognoscuntur distribu-  
tivè à Deo.* Fertur itaqùe Deus in cuncta  
possibilia per modum tendendi distributi-  
vum, cognoscendo plures & plures in infini-  
tū collectiones finitas, sive videt omnia pos-  
sibilia ad existendum per quascunqùe collec-  
tio-

ctiones finitas in infinitum, & impossibilia ad existendum per unam collectionem infinitam: adeoque cognoscit semper infinitum syncategorematicè, & infinitū categorematice non cognoscit, saltem cognitione affirmante & cognoscente illud ut quid possibile. Contra quod gratis dicitur: si possibilia, quæ nunc omnia videntur unâ cognitione, singula viderentur singulis cognitionibus, hæ cognitiones forent categorematicè infinitæ; ergo & nunc earum objecta in mente Dei sunt categorematicè infinita; id enim non magis sequitur, quam: si singulæ æternitatis horæ simul viderentur singulis cognitionibus simul existentibus, hæ cognitiones forent categorematicè infinitæ: ergo & objecta harum cognitionum sunt categorematicè infinita. Unde si omne id, quod Deus nunc videt, existeret eo modo, quo Deus videt, illud posse existere, erit infinitum syncategorematicum: adeoque dum dicitur: quidquid cognoscit Deus, hec potest eo modo producere, quo cognoscit: fit æquivocatio; si enim adjiciatur: potest producere eo modo, quo cognoscit esse producibile, verum est; si verò sic intelligatur: sicut

CUR-

cuncta unâ cognoscit cognitione, sic cuncta simul potest producere unâ productione; falsum est; præterquam quod non omne id, quod terminus est cognitionis divinæ, terminus sit etiam omnipotentiæ. Hinc denique est, quod Deus videns duas multitudines infinitas non posse existere, adeoque nec sibi coëxistere & coaptari, ut sibi congruant (quod est videre, aliqua esse sibi æqualia) non videat eas esse sibi æquales vel inæquales.

VI. Nequè ex omnipotentia Dei categorematicè infinita bene arguitur, respondere illi dabilem effectum categorematicè infinitum; non enim illa ideo dicitur categorematicè infinita, sed quia identificatur omni generi perfectionis seu essentiæ categorematicè infinitæ. Nihilominus distinguitur in eo adhuc à potentia creata, quod non tantum possit plures & plures, seu infinitos syncategorematicè effectus producere sicut illa, sed etiam infinitas syncategorematicè effectuum species. Nequè, etiamsi hæc omnipotentia foret agens necessarium, producetura esset infinitos categorematicè effectus; sed enim, etsi sit agens necessarium, habeatque